

द्वारा लिखत: Edward Hughes

द्वारा चित्र: Byron Unger; Lazarus
Alastair Paterson

द्वारा अनुकूल: M. Maillot; Tammy S.

द्वारा अनुवाद करो गयो:

द्वारा बनाओ: Bible for Children
www.M1914.org

©2022 Bible for Children, Inc.

लाइसेंस: तुमई जा कहानी को पात्रिका या छापन को अधिकार है,
जब तक तुम जाई बेचत नाइ हो।



एक राति परमेश्वर ने अब्राहम
कौ एक अनोखी आज्ञा दर्ई। जा
देखन के लै एक परीक्षा करि
कि अब्राहम अपने लड़िका
इसहाक कौ परमेश्वर से जादा
चांहत हंड या अपने प्रभु
परमेश्वर कौ।



परमेश्वर ने आज्ञा दी, "कि अपने लड़िका
इसहाक कौ लइके बाई एक होमबलि करिके
चढ़ावउ," इसहाक कौ अर्पण करउ? अपने
लड़िका की बलि चढ़ावउ?

जा अब्राहम के लै बड़ी
मुश्किल बात हती।
बई अपने लड़िका कौ
बहुतु जादा चांहत हते।



लेकिन अब्राहम ने परमेश्वर के ऊपर
भरोसो करिबो सिखो जबकि बउ नाइ
समुझति हतो। तबहूँ सबेरे बउ इसहाक
अउरु अपने दुई नउकरन के संग
होमबलि के लै पहाड़ की ओर चलि दौ।



जान से पहिले, अब्राहम
होमबली की आगी बनाउन
के लै लकड़ियन के चइला
फान्न लगे। अब्राहम ने
परमेश्वर की आज्ञा कौ मानन
के लै योजना बनाई।



तीन दिन बादि बई पहाड़ के तीर
पंहुचे। “हिंआं रुकउ,” अब्राहम ने अपने
नउकरन से कही “हम जाइके भेंट चढाई के फेरि तुमारे
तीर आई जइहीं।” इसहाक ने लकडियाँ लई;
अब्राहम ने आगी लई - अउरु एक
छुरी लइ।



इसहाक ने पूछी, “होमबली
के लै भेंड को बच्चा कहाँ हइ?”
अब्राहम ने कही, “परमेशर
खुदइ भेंड के बच्चा को
इन्तजामु करिही।”



दोनउ लोग परमेश्वर की बताई भई सही जघा पर पंहुचि
गये। हुअंन, अब्राहम ने परमेश्वर के सामने बलिदान के लै
एक बेदी बनाई अउरु बा पर जराउन के लै
लकड़ियन कौ सजाओ। अब्राहम ने बहुतु
बेदीयाँ बनाई हतीं। सही ढंग से उसके लै
जा बेदी बनइबो बहुतु कठिन हतो।



अब्राहम ने अपने चंहीते लड़िका कौ बांधि के
बेदी पर लिटार दौ। का अब्राहम वास्तव मा
परमेश्वर की आज्ञा कौ मानन के लै अउरु अपने
चंहीते लड़िका इसहाक कौ, अपने इकलउते
लड़िका बलिदान कन्न जात हते?





हाँ। अब्राहम ने
जइसेइ छुरी ऊपर
उठाई बा छुरी की
धार चमकी। अब्राहम
को दिलु बइठन लगौ
हुइही, लेकिन बाई
जा मालूम हती कि
परमेश्वर की आज्ञा
कौ मनिबेइ हई।





“रुकि जाऊ।”
प्रभू को दूत
चिल्लाई परो।
“अब हम जानि गये
कि तुम परमेश्वर को
भय मानत हउ।
तुमने मेरे लै, अपने
लड़िका कौ, अपने
एकलउते लड़िका
कौ भी नाइ
राखि छोड़ो।”



अब्राहम ने खज्जारि मा एकु मेढा फसो भौ
देखो अउरु अब्राहम ने इसहक के बंधन खोल
दै, अउरु बाकी जघा पर मेढा कौ बलिदान
करि दो। शायद इसाहक ने सोची
हुइही, “जइसे मेरे पिता ने कही
हती। उसइ तरह से परमेश्वर
ने व्यवस्था करी।”



पिता अउरु लड़िका ने बलि चढ़ाइ उसइ समय प्रभु के दुत ने अब्राहम से बात करी की। “क्योंकि तुमने आज्ञा मानी इसलये तुमारे बच्चन के द्वारा सब देश आशीष पंइ।” फिरि किसउ दिन अब्राहम के वंश मा यीशु को जन्म हुइही ।



अब्राहम अउरु इसाहक जब घरइ लउटि आये। कुछ समय बादि,
उदासी छाई। सारा मरि गयी। अब्राहम ने अपनी दुलहिन सारा कौ,
अउरु इसहकौ ने अपनी अम्मा कौ खोई दो हतो।



अंतिम क्रिया करम के बादि,
अब्राहम ने इसाहक के लै एक
दुलहिन की तलाश के लै अपने
खास नउकर कौ पठओ। बउ नउकरु अब्राहम के
रिश्तेदारन के बीच मा इसहाक के लै दुलहिन तलाशन
के लै उनके पुराने देश मा गओ।



नउकर ने परमेश्वर से ँकु चिन्ह मांगौ। “कि जो लड़किनी पानी लाई के मेरे ऊंटन कौ पिअइही बहेइ लड़किनी इसहाक के लै सही हुइही।” उसइ समय रिबका पानी लाई के ऊंटन कौ पिआउन लगी। बा अब्राहम के रिश्तेदारन मा से ँक हती। नउकरु जानि गओ हतो कि परमेश्वर ने मेरी प्रार्थना को जबाबु दइ दौ हई।



रिबका ने इसहाक से बिआउ कन्न के लै अपने घर बालेन कौ
छोड़ि दौ। इसाहक की अम्मा के मन्न के बादि बाने इसहाक कौ शान्ति
बंधाई। इसहाक बाई बहुतु चांहत हते।



परमेश्वर के द्वारा अब्राहम के प्रेम की अजमाइश

परमेश्वर के वचन से बाइबिल की एक कहानी

में पायी जाती है

उत्पत्ति 22-24

“तुमहोर शब्द के प्रवेश से रोशनी मिलत है।”

भजन ११९:१३०



समाप्त



जो बाइबिल काहानी हमई हमारे अद्भुत परमेश्वर के बारे माँ बताउती जिनने हमई बनाओ और जो तुमोह उन्हेई जानो।

परमेश्वर जान्त है हमने बुरे काम करे हैं, जिहने वे पाप कहात हैं। पाप की सजा मृत्यु है, लेकिन परमेश्वर प्रेम करते हैं जिन्ने अपनों इक लौतों पुत्र यीशु को भेज दौ, क्रूस पर मरन के लें तुम्हारे पापों के लें दण्डित भये। फिर येसु जीवन मां वापस आई गये और स्वर्ग के घर मां चले गये! अगर तुम यीशु पर विस्वास करत हउ और अपने पापों की छमा मागन के लें उनसे पूछत हो, तो वह ऐसो करी! वो अइ और वोह तुम्हारे संग रही और तुम हमेशा उसके संग जीवित रहीओ।

अगर तुम्हे लगत हइ की जा सच हई तौ जा परमेश्वर से कहः
प्यारे यीशु, हमे विश्वास हइ की तुम इश्वर हो और हमारे पापों के लें मरन बाले ब्यक्ति बनी गये हो और अब फिरसे जी उठे हो। कृपया हमारे जीवन म आई के हमारे पापों को छमा कर देओ। ताकि हमारो जीवन नओ हुई सके।
और एक दिन तुम्हारे संग हमेशा के लें बने रहे। हमें आज्ञाकारी बनन के लें और तुम्हारी संतान बनन केलिए मदत करो।

बाइबिल पढ़े और हर एक दिन परमेश्वरी से बातें कराओ! यूहना ३:१६

